


# Bekas Ketua Setiausaha Sulit Tun M meninggal

m/s: 5

BH - 20/1/2019



Abdul Aziz Ismail

**Kuala Lumpur:** Bekas Ketua Setiausaha Sulit kepada Perdana Menteri Keempat, Tun Dr Mahathir Mohamad, Tan Sri Abdul Aziz Ismail meninggal dunia akibat masalah pernafasan di kediamannya di Bangsar pada 10 pagi, semalam. Allahyarham berusia 76 tahun.

Anak Allahyarham, Nik Ina Naslisa, 38, berkata ayahnya disahkan meninggal dunia oleh paramedik yang dipanggil ke rumah.

“Kira-kira jam 9 pagi, saya nampak pernafasan ayah tidak seperti biasa. Saya panggil anggota keluarga lain sebelum menghubungi paramedik.

“Paramedik tiba dan periksa ayah, paramedik sahkan ayah sudah tiada (meninggal dunia),” katanya.

Abdul Aziz berkhidmat dengan kerajaan selama 33 tahun, dan bekerja dengan Dr Mahathir sejak 1981 bermula Timbalan Ketua Setiausaha Sulit sebelum dinaikkan pangkat kepada Ketua Setiausaha Sulit pada 1983.